



TIC TIMOR “MATADALAN TEKNOLOGIA RAILARAN”

TERMU REFERENSIA	DIRETOR ICT GOVERNANCE	Númeru: TIC/ICTG/21.001
		APROVA: Diretor Ezekutivu
		VERIFIKA: Servisu Korporativu
		PREPARA: Rekursu Umanu
		HASAI IHA: Maiu, 2022
Fatin Servisu	Eskritoriu TIC TIMOR I.P, Palacio do Governo, Dili, Timor-Leste	
Tipu Kontratu	Termu Sertu - Nasionál	
Durasaun Kontratu	To Dezembru 2022 ho possibilidade atu estende bazeia ba avaliasaun	
Relata ba	Diretor Ezekutivu TIC TIMOR I.P.	

I. BACKGROUND

Ajénsia TIC TIMOR nu'udar Institutu Públiku ho nia natureza Jurídika ne'ebé maka autonomia administrativu, finanseira orsamentu no patrimóniu rasik haktuir iha Dekretu Lei No. 29/2017. Tutela ba Primeiru-Ministru, Ajénsia TIC TIMOR iha misaun hodi implementa política no estratéjia ne'ebé maka aprova ona iha matéria kona-ba Teknolojia, Infórmasaun no komunikasaun, jere rede infómátika Governu nian no Entidade publika sira seluk, inklui halo jestaun ba infraestrutura teknolojia, infórmasaun no komunikasaun no fó apoiu iha área Teknolojia, Infórmasaun no Komunikasaun no Sistema Infórmasaun nian.

II. OBJETIVU

Objetivu prinsipal husi Dirasaun ICT Governance nian maka atu hare'e ba implementasaun governu eletróniku (e-Government) liu husi aplikasaun Teknolojia, Informasaun no Komunikasaun iha funsionamentu governu nian nomos prosedimentu sira ne'ebe ho objetivu atu hasa'e efisiensia, transparensia, efikasias, nomos partisipasaun sidadaun sira nian.

Responsabilidade sira ne'e inklui maibe la limita ba implementa no/ou enforsa politika no prosedimentu sira e-government nian. Nomos halo funsaun ne'ebe cross cutting entre dirasaun Infraestrutura no Dezenvolvimentu Sistema no Aplikasaun liu husi fasilita feramentus suporta sira iha dezenvolvimentu boa governasaun.

III. KNAR NO RESPONSABILIDADE PRINSIPAL SIRA

1. Dezenvolve politika ICT Governance no prosedimentu sira relasiona ho ICT Governance nian;
2. Komunika no Implementa politika ITC Governance no prosedimentu sira ba funsionariu hotu-hotu TIC TIMOR I.P. nian;
3. Monitoriza no halo revizaun ba implementasaun politika no prosedimentu sira;
4. Prepara no apresenta relatoriu mensal, trimestral no annual husi ICT Governance nian;
5. Prepara, apresenta no implementa planu annual no orsamentu husi ICT Governance nian;
6. Asegura implementasaun planu anual, politika, no prosedimentu sira ICT Governance nian.
7. Servisu seluk haktuir ba instrusaun husi Diretor Ezekutivu.



TIC TIMOR “MATADALAN TEKNOLOJIA RAILARAN”

IV. KRITÉRIA SELESAUN

1. Graduadu iha area Jestaun Informatika, Business Analysys ou area seluk ne'ebe relevante;
2. Minimu tinan sanulu (10) iha planu, jestaun no implementasaun sistema ICT
3. Esperiensia iha establesimentu no implementasaun estrutura governu eletronicu ne'ebe efetivu
4. Esperiensia iha dezenvolve politika no prosedimentu sira ne'ebe relasiona ho governu eletronicu
5. Kapasidade Interpersonal no Komunikasaun ne'ebe a'as (eskrita no oral)
6. Hatudu abilidade hodi servisu ho efetivu ho ema husi nivel diferente iha servisu fatin hotu-hotu, maksimiza kooperasaun, ho sensitivade ba asuntu kultural no jeneru.
7. Komitmentu atu fahe kunesementu ka skills and knowledge transfer.
8. Abilidade lingua Ingles no Portuguese ho nivel avansadu hanesan vantazen.

V. DELIBERASAUN PRINSIPAL

1. Haktuir Ba Knar No Responsabilidade Prinsipal Sira Iha Leten;
2. Iha Semana Hat (4) Nia Laran Wainhira Hahu, Dezenvolve Planu Anual Servisu Ne'ebe Kompostu Husi Atividade Relevante Sira Nomos Indikadores Dezempenho Hodi Hetan Aprovasaun Husi Diretor Ezekutivu;
3. Prepara Relatorio Mensal No Trimestral Haktuir Ba Planu Annual Servisu No Hato'o Ba Diretor Ezekutivu;
4. Prepara Relatorio Final No Hato'o Ba Diretor Ezekutivu Iha Loron Sanulu (10) Antes Kontratu Remata;

VI. AVALIASAUN DEZEMPEÑU

Avaliasaun dezempeñu sei halo husi gestor TIC TIMOR I.P, utiliza sistema avaliasaun dezempeñu. Prosesu ida ne'e sei inkui períodu tempu provasaun durante fulan 3 bainhira komesa assina kontratu, relatóriu regular, komunikasaun kontinua iha lokál servisu no avaliasaun anual ba dezempeñu. Indikadór dezempeñu aplika ba área hotu iha instituisaun, no funsionáriu sei kontribui realiza prioridade sira nebe estabelese ona iha TOR.

TIC TIMOR IP fo oportunidade ne'ebe hanesan ba ema hotu no enkoraza ba feto, ema ho defisiensia no membru husi grupo marginalizado atu aplika.

FIN